



ՀԱՍՏԱՏՈՒՄ ԵՄ՝

Շրջակա միջավայրի նախարար  
Հակոբ Սիմիոյան



« 19 » 05 2025թ.

## ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 133 - 25

Նախաձեռնող՝

«Մոդուլ» ՍՊԸ

Ք.Երևան, Նաիրի Չարյան փողոց, 22-3

Գործունեությունը՝

Նաիրի համայնքի Արագյուղ բնակավայրում  
միջնակարգ դպրոցի կառուցում  
Կոլայքի մարզ

Առդիր՝ 5 թերթ

**ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ**  
**ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅՈՒՆ**

**ԲՓ № 133 - 25**

**« 19 » Տպիսբեթ 2025թ.**

**Արագյուղ բնակավայրում միջնակարգ դպրոցի կառուցման շրջակա միջավայրի վրա ազդեցության գնահատման հաշվետվություն**

|                           |                                                                                     |
|---------------------------|-------------------------------------------------------------------------------------|
| Նախաձեռնող՝               | «Մոդուլ» ՍՊԸ                                                                        |
| Փաստաթղթի տեսակը՝         | Շրջակա միջավայրի վրա ազդեցության գնահատման հաշվետվություն /այսուհետ՝ ՇՄԱԳ/, նախագիծ |
| Գործունեության կատեգորիա՝ | «Բ» կատեգորիա                                                                       |
| Տեղադրման վայրը՝          | Կոտայքի մարզ, Նաիրի համայնքի Արագյուղ բնակավայր                                     |

**Ներածական մաս.** Հայաստանի տարածքային զարգացման հիմնադրամի պատվերով իրականացվող «Մինչև 2026 թվականը կառուցվող, հիմնանորոգվող կամ վերակառուցվող 300 դպրոցների» ծրագրի շրջանակներում Կոտայքի մարզի Արագյուղ բնակավայրում նախատեսվում է միջնակարգ դպրոցի /այսուհետ՝ դպրոց/ կառուցման աշխատանքներ:

Գործունեությունն իրականացվելու է անշարժ գույքի նկատմամբ անհատույց օգտագործման իրավունքի գրանցման վկայականով ամրագրված՝ 1.1 հա մակերեսով հողամասում, որի նպատակային նշանակությունը բնակավայրերի է, գործառնական նշանակությունը՝ հասարակական կառուցապատման:

«Շրջակա միջավայրի վրա ազդեցության գնահատման և փորձաքննության մասին» օրենքի 12-րդ հոդվածի 4-րդ մասի, 8-րդ կետի համաձայն՝ նախատեսվող գործունեությունը հանդիսանում է Բ կատեգորիայի գործունեության տեսակ:

**Նկարագրական մաս.** Միջնակարգ դպրոցը կառուցվելու է քանդման ենթակա հին դպրոցի, տարբեր շինություններով ծանրաբեռնված հողամասի սահմաններում: Տարածքի հարևանությամբ առկա են կառույցներ, ամենամոտ բնակելի տան հեռավորությունը կազմում է 20 մ: Ռեելիեֆը հարթ է, աննշան թեքությամբ, բացարձակ նիշերը տեղամասում տատանվում են 1571-1572 մմ սահմաններում:

Հիդրոերկրաբանական տեսակետից մինչև 30 մետր խորությամբ ստորգետնյա ջրեր չեն բացահայտվել:

Նախատեսվող գործունեության տարածքը ամբողջովին ասֆալտապատ է, տարածքում բացակայում են պատամամշակության և բնության հուշարձանները, ինչպես նաև զգայուն էկոհամակարգերը:

Կառուցապատման տեխնիկատնտեսական ցուցանիշներն են

- հողատարածքի ընդհանուր մակերեսը՝ 1.1 հա





- կառուցապատման ընդհանուր մակերեսը՝ 2924.0 մ²,
- կանաչապատման ընդհանուր մակերեսը՝ 3500.0 մ²,
- անջրանցիկ ընդհանուր մակերեսը՝ 5576մ²:

Նախատեսվող գործունեությունը իրենից ներկայացնում է սեյսմիկ կարերով բաժանված 3 եռհարկանի և 1 մեկհարկանի մասնաշենքով դպրոց: Դպրոցը նախատեսված է 1-ից մինչև 12-րդ դասարանների համար, միջև 288 աշակերտի ուսումնական ծրագրերի դասընթացների կազմակերպման նպատակով:

Առաջին մասնաշենքում տեղակայված են տարրական դասարանները, ներառական դասարանը, մարզասրահը, խաղասենյակը, շախմատի դասարանը, բժշկի սենյակը, և այլն: Այն եռահարկ է, առանց նկուղային հարկի:

Երկրորդ մասնաշենքը կենտրոնական մասնաշենքն է: Առաջին հարկում նախատեսված է մուտքային հարթակ թեքուղիներով, նախասրահ, հանդիսությունների դահլիճ, ճաշասրահ, տնօրենի աշխատասենյակը, մեկ վերելակ, երկրորդ հարկում ուսմասվարների /միջին և տարրական դպրոցնի/ աշխատասենյակներ և կաբինետներ: Երրորդ հարկում տեղադրված են գրադարանը, կաբինետներ և լինգվաֆոնային կաբինետ: Կիսանկյուղային հարկում տեղադրված է ճաշարանի խոհանոցը իր օժանդակ սենքերով:

Երրորդ մասնաշենքը միջին և ավագ դպրոցն է իր դասասենյակներով, կաբինետներով և սանհանգույցներով: Մասնաշենքը եռահարկ է, մի հատվածում այն երկհարկանի է: Այստեղ են գտնվում քիմիայի, ֆիզիկայի և կենսաբանության կաբինետները: Նկուղային հարկում նախատեսված են հրաձգարան, սանհանգույցներ և օժանդակ տարածքներ: Դպրոցային համալիրի չորրորդ մասնաշենքը՝ մարզադահլիճը հատակագծում ունի ուղղանկյան ձև առանցքային չափեր: Այն մեկհարկանի է մարզական գույքի սենյակով: Նկուղային հարկ չունի:

Նկուղային հարկի նախագծային լուծումները տիպարային նախագծի անփոփոխ լուծումներն են, որտեղ բացի նկուղային սրահ-տարածքից տեղակայված են սանհանգույց և օժանդակ սենյեր:

Միջնակարգ դպրոցն ապահովված է լինելու թեքահարթակներով, նախատեսված է հաշմանդամություն ունեցող երեխաների անհատական պարապմունքների սենյակ, սանհանգույց և այլ միջոցառումներ հաշմանդամ և բնակչության սակավաշարժ խմբերի ազատ տեղաշարժման համար:

Նախագծով դպրոցի բակում նախատեսվում է տեղադրել 119.88 կվտ դրվածքային հզորությամբ արևային ֆոտովոլտային համակարգ՝ կազմված 216 հատ 555 վտ պիկային հզորությամբ ֆոտովոլտային (ՖՎ) վահանակներ: Շենքի էլեկտրամատակարարումը և դպրոցի էլեկտրաէներգիայի հաշվառումն իրականացվելու է «Հայաստանի էլեկտրական ցանցեր» ՓԲԸ-ի հետ փոխադարձ համաձայնության սկզբունքով՝ դարձափոխիչային էլեկտրոնային երկսակագնային էլեկտրական հաշվիչի միջոցով, եռաֆազ սնուցմամբ: Արևային պանելների տեղադրումն իրականացվելու է համապատասխան սերտիֆիկատ ունեցող ընկերությունների կողմից, որոնց կողմից իրականացվելու է նաև հետագա սպասարկման և շարքից դուրս եկած վահանակների խոտանման աշխատանքները:

Դպրոցի ջերմամատակարարման նպատակով նախատեսվում է կաթսայատուն՝ գազի այրիչներով ավտոմատացված երկու 465/423կՎտ և մեկ 74 կՎտ ջերմային հզորությամբ կաթսայով: Կաթսայատունն ապահովված է ներածման և արտածման օդափոխության համակարգերով:





Նոր դպրոցը կառուցվելու է գործող դպրոցի տարածքում, որտեղ առկա են ինժեներական բոլոր անհրաժեշտ ենթակառուցվածքները՝ ջրամատակարարման, ջրահեռացման, գազամատակարարման և էլեկտրամատակարարման գծերը: Դպրոցի համար անհրաժեշտ միացումներն իրականացվելու են ենթակառուցվածքները տնօրինող կազմակերպությունների հետ կնքված պայմանագրերի հիման վրա:

Շինարարական աշխատանքների ընթացքում օգտագործվելու են շինարարական մեքենաներ և մեխանիզմներ, այդ թվում՝ ավտոկռունկ, էքսկավատոր, ավտոինքնաթափ և այլն: Շինարարական նյութերից օգտագործվելու են երկաթբետոն, երկաթբետոնե կարկասներ, մետաղական կառուցվածքներ, ամրան, ավազ, ապակի, ջերմամեկուսիչ նյութեր և այլն: Հողային ռեսուրսների պահպանության նպատակով շինարարական տեխնիկայի և սարքավորումների կայանման վայրերում նախատեսվում է ավազի կամ մանրախճի փռում՝ վառելիքի կամ քսայուղերի հնարավոր արտահոսքը կանխելու նպատակով: Բետոնը և շաղախը մատակարարվելու են մոտակա բետոնաշաղախային հանգույցից՝ մասնագիտացված տրանսպորտային միջոցներով:

Շինարարության ժամանակ բնառեսուրսներից ջուրն օգտագործվելու է աշխատանքային հարթակի ջրցանի, հանված գրունտի խոնավացման, տրանսպորտային միջոցների անիվների լվացման, ինչպես նաև շինարարական անձնակազմի խմելու և կենցաղային նպատակների համար: Ջրօգտագործումն ըստ սպասարկող աշխատողների թվաքանակի (45 մարդ), կկազմի 763.73 մ<sup>3</sup>/շին.ժամ: Ջրցանի համար օգտագործվող ջրի ծախսը կկազմի 5785 մ<sup>3</sup>: Անիվների լվացման համար օգտագործվող ջրի ծախսը կկազմի 630 մ<sup>3</sup>: Ընդամենը ջրօգտագործումը կկազմի 7179 մ<sup>3</sup>/շին.ժամ: Ջրցանի և անիվների լվացման համար նախատեսվող տեխնիկական ջուրը բերվելու է ջրատար մեքենայով՝ պայմանագրային հիմունքներով: Աշխատողների կենցաղային նպատակների համար օգտագործվելու է կից ճանապարհով անցնող համայնքային գոյություն ունեցող ջրագիծից:

Նախքան շինարարական աշխատանքները սկսելը ապամոնտաժվելու են նախատեսվող գործունեության տարածքում առկա բոլոր շինությունները: Ապամոնտաժվող շենքերը հիմնականում քարե կոնստրուկցիաներով շինություններ են, մետաղաթիթեղյա ծածկով: Քանդման արդյունքում առաջացող թափոնները տարանջատվելու են և կուտակվելու են առանձին: Օգտագործման համար պիտանի թափոնները տեսակավորվելու են, հանձնվելու են համապատասխան մասնագիտական կազմակերպություններին կամ տեղափոխվելու են աղբավայր:

Շինարարական աշխատանքների ընթացքում կատարվելու է հողային զանգվածի հանույթ, որից մի մասը կօգտագործվի հետլիցքի համար, իսկ ավելացած հողային զանգվածը շինարարական և քանդման աշխատանքներից գոյացած շին աղբի հետ միասին կտեղափոխվի Նաիրիի համայնքապետարանի կողմից հատկացված վայր: Կենցաղային աղբը կտեղափոխվի աղբահավաք ծառայություն իրականացնող ընկերության կողմից՝ պայմանագրային հիմունքներով:

Շինարարության ընթացքում աշխատողներն օգտվելու են տարածքում տեղադրվող բիոզուգարանից, իոզուգարանի մաքրումը կատարվելու է մասնագիտացված կազմակերպությունների կողմից՝ պայմանագրային հիմունքներով: Նախատեսվում է շինարարական հրապարակին կից տեղադրել պլաստիկ տարա, որտեղ կուղղորդվեն անձրևաջրերը և արտադրական ջրերը: Պարզեցված ջուրը կօգտագործվի տարածքի ջրցանի համար, իսկ նստվածքը շին. աղբի հետ կտեղափոխվի աղբավայր:





Կենցաղային կեղտաջրերը ներքին ցանցի միջոցով հեռացվելու են դեպի ՏՈՊԱՍ-150 տիպի կեղտաջրերի կենսաբանական մաքրման կայան: Մաքրված ջուրը կայանից ինքնահոս կհեռանա դեպի դրենաժային հոր:

Շինարարական աշխատանքների ավարտից հետո նախատեսվում է տարածքի բարեկարգում և կանաչապատում: Կանաչապատման աշխատանքները կիրականացվեն համաձայն Նաիրի համայնքապետարանի կողմից հաստատված կանաչապատման նախագծի:

Շրջակա միջավայրի վրա հնարավոր ազդեցության ռիսկեր նվազեցման նպատակով ՇՄԱԳ-ում նախատեսված են բնապահպանական միջոցառումներ, որոնք ներառված են միջոցառումների ծրագրում և մոնիթորինգի պլանում: Այդ թվում՝

- մթնոլորտային օդ աղտոտող նյութերի (փոշի, CO, NOx) արտանետումների քանակական պարամետրերի չափումներ՝ ըստ անհրաժեշտության,
- փոշենստեցման նպատակով տարածքի ջրցանում՝ պարբերաբար,
- փոխադրամիջոցների տեխնիկական վիճակի կանոնավոր զննում՝ վառելանյութի և յուղի արտահոսքը կանխելու համար,
- թափոնների տեղափոխման կազմակերպում՝ համապատասխան պայմանագրերի հիման վրա,
- նշանակել արտակարգ իրավիճակների համար պատասխանատու անձ, ով մշտապես ներկա կգտնվի շին. հրապարակում:

**Պատճառաբանական եզրահանգումներ.** Կոտայքի մարզի Արագյուղ բնակավայրում միջնակարգ դպրոցը կառուցման ՇՄԱԳ հաշվետվության փորձաքննական գործընթացը իրականացվել է բնապահպանական ոլորտը կարգավորող օրենսդրական պահանջներին համապատասխան:

Փորձաքննական գործընթացին ներգրավվել են շրջակա միջավայրի նախարարության ստորաբաժանումները, ոլորտին առնչվող գերատեսչություններ, Կոտայքի մարզպետարանը, Նաիրի համայնքապետարանը, շահագրգիռ հանրությունը:

Փորձաքննական գործընթացում կատարվել է հաշվետվության լրամշակում, որտեղ հաշվի են առնվել ներկայացված առաջարկություններն ու դիտողությունները:

Օրենսդրությամբ սահմանված կարգով՝ գնահատման և փորձաքննության ընթացքում Արագյուղ բնակավայրում իրականացվել են հանրային լսումներ, ինչի ընթացքում հանրությունը դրական է արտահայտվել նախատեսվող գործունեության վերաբերյալ: Շրջակա միջավայրի բաղադրիչների վրա հնարավոր բացասական ազդեցությունները լինելու են շինարարության և շահագործման փուլում, կրելու են ժամանակավոր բնույթ: Շահագործման փուլում ազդեցությունը կկրի սեզոնային բնույթ՝ կապված կաթսաընտան շահագործման հետ, որի ընթացքում արտանետվող նյութերի չափաքնաքկները կլինեն սահմանային թույլատրելի նորմայից ցածր:

Շահագործման ընթացքում շենքի կանաչ տարածքների և նորատունկ բուսականության խնամքը կիրականացվի դպրոցի կողմից, ինչը կներառի նաև նորատունկ կանաչ գոտու վիճակի մշտադիտարկումները, որի ընթացքում կաչողականություն չափահովող ծառատեսակները կփոխարինվեն նորերով:

#### Փորձաքննական պահանջներ

- Շինարարական աշխատանքների իրականացման ընթացքում խստորեն հետևել «Մթնոլորտային օդի պահպանության մասին» օրենքի 11-րդ հոդվածի գործունեությանն



առնչվող շրջակա միջավայրի պահպանությանն ուղղված այլ նորմատիվ իրավական ակտերի, ինչպես նաև արտակարգ իրավիճակների, տեխնիկական և աշխատանքի անվտանգության նորմերի պահանջներին:

- Ապահովել կանաչապատման աշխատանքների իրականացումը և խնամքը:

- Շինարարական աշխատանքների իրականացման ընթացքում անհրաժեշտ է հետևել գնահատման հաշվետվությամբ ամրագրված բնապահպանական միջոցառումների կատարմանը, ժամանակացույցին, իսկ դրանց չբավարարման դեպքում նախատեսել լրացուցիչ միջոցառումներ՝ բնապահպանական և շինարարական նորմերի պահպանման նպատակով:

## ԵԶՐԱՓԱԿԻՉ ՄԱՍ

«Մոդուլ» ՍՊԸ - ի կողմից ներկայացված Կոտայքի մարզի Նաիրի համայնքի Արագյուղ բնակավայրի միջնակարգ կառուցման շրջակա միջավայրի վրա ազդեցության գնահատման հաշվետվությանը տրվում է դրական պետական փորձաքննական եզրակացություն՝ փորձաքննական պահանջների պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի ժամանակավոր պաշտոնակատար՝



Սևակ Մարկոսյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի տնօրենի տեղակալ՝



Հերիքնազ Մկրտչյան

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի առաջատար մասնագետ՝



Ռուզան Մակինյան